



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Health

Na osnovu člana 70. st. (1) i (2) Zakona o organizaciji organa uprave u Federaciji BiH („Službene novine Federacije BiH“, broj 35/05), a u vezi člana 6. stav (1) Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije („Službene novine Federacije BiH br. 44/12, 23/13, 27/14 i 33/19), preporuke Komisije za pripremu Odluke o slobodnim lokacijama za osnivanje apoteka za 2024. godinu na području Kantona Sarajevo, Ministarstvo zdravstva Kantona Sarajevo donosi

## **O D L U K U**

### **o stavljanju van snage Odluke o slobodnim lokacijama za osnivanje apoteka za 2024. godinu na području Kantona Sarajevo**

#### **I**

Ovom Odlukom stavlja se van snage Odluka o slobodnim lokacijama za osnivanje apoteka za 2024. godinu na području Kantona Sarajevo broj: 10-04-931/24 od 22.03.2024. godine („Službene novine Kantona Sarajevo“ broj: 12/24).

#### **II**

Ova odluka stupa na snagu narednog dana od dana objave u „Službenim novinama Kantona Sarajevo“, a objavit će se i na web stranici Ministarstva zdravstva Kantona Sarajevo.

## **O b r a z l o ž e n j e**

Ministarstvo zdravstva Kantona Sarajevo je shodno članu 6. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije („Službene novine Federacije BiH“, br. 44/12, 23/13, 27/14 i 33/19), donijelo Odluku o slobodnim lokacijama za osnivanje apoteka za 2024. godinu na području Kantona Sarajevo broj: 10-04-931/24 od 22.03.2024. godine („Službene novine Kantona Sarajevo“ broj: 12/24).

Zahtjevi osnivača buduće apoteke ili budućeg nositelja odobrenja za privatnu praksu su se mogli dostavljati u roku od 15 dana od dana stupanja na snagu naprijed navedene Odluke.

U navedenom roku Ministarstvo zdravstva Kantona Sarajevo je zaprimilo 61 zahtjev osnivača budućih apoteka ili budućih nositelja odobrenja za privatnu praksu za dobijanje slobodne lokacije za otvaranje pzu apoteke, ogranka apoteke ili apoteke kao privatne prakse. Isto tako u navedenom roku ovo ministarstvo je zaprimilo i 7 prigovora na navedenu Odluku, da utvrđene slobodne lokacije za osnivanje apoteka nisu u skladu sa čl. 3. i 4. Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije, odnosno da nisu u skladu sa demografskim i geografskim kriterijima.

Nakon donošenja predmetne odluke o slobodnim lokacijama i ostavljenog roka za dostavljanje zahtjeva osnivača budućih apoteka ili budućih nositelja odobrenja za privatnu praksu, Ministarstvo zdravstva Kantona Sarajevo je dobilo određene informacije da Federalno ministarstvo zdravstva u saradnji sa Komorom magistara farmacije Federacije Bosne i Hercegovine, priprema izmjene Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao

i načinu i postupku njihove verifikacije, kojima će se omogućiti jednostavniji način da i magistri farmacije mogu otvarati apoteke bez dodatnih ograničavajućih kriterija, po uzoru na države Evropske unije, kao što mogu doktori medicine i stomatologije, inženjeri sa završenim Fakultetom zdravstvenih studija, otvarati svoje ordinacije i privatne prakse bez dodatnih ograničavajućih kriterija.

Ministarstvo zdravstva Kantona Sarajevo je podržalo navedenu inicijativu Federalnog ministarstva zdravstva i Komore magistara farmacije Federacije Bosne i Hercegovine, i sa svoje strane je uputilo inicijativu prema Federalnom ministarstvu zdravstva za donošenje novog ili izmjena i dopuna postojećeg Pravilnika o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacionim oblicima, kao i načinu i postupku njihove verifikacije, te da se u novom pravilniku preciziraju određene odredbe kako ne bi dolazilo do različitih načina postupanja kantonalnih ministarstava zdravstva u primjeni predmetnog pravilnika, a što je sada izrazit slučaj.

Također ovo ministarstvo je dobilo određene informacije i od magistara farmacije budućih nositelja odobrenja za privatnu praksu koji su predali zahtjeve za dobijanje slobodnih lokacija, da su se obratili Instituciji obudsmena/ombudsmana za ljudska prava Bosne i Hercegovine, za zaštitu osnovnih ljudskih prava, kao što je pravo na rad, te da će pokrenuti postupak pred Konkurencijskim vijećem Bosne i Hercegovine, da se pojedine odredbe pomenutog Pravilnika stave van snage, obzirom da nisu u skladu sa Zakonom o konkurenciji i da postoji zabranjeno konkurencijsko djelovanje na tržištu Bosne i Hercegovine.

Razmatrajući sve naprijed navedeno, broj zahtjeva koje zaprimilo ovo ministarstvo za dobijanje slobodnih lokacija za otvaranje pzu apoteke, ogranka apoteke ili apoteke kao privatne prakse, prigovore na navedenu odluku o slobodnim lokacijama, informacije da se priprema donošenje novog ili izmjena i dopuna postojećeg pravilnika, kojim će se omogućiti jednostavniji način da i magistri farmacije mogu otvarati apoteke bez dodatnih ograničavajućih kriterija, po uzoru na države Evropske unije, ovo ministarstvo je odlučilo da je u ovom trenutku najsvrsishodnija opcija staviti van snage donijetu Odluku o slobodnim lokacijama za osnivanje apoteka za 2024. godinu na području Kantona Sarajevo, obzirom da ista nije proizvela nikakve pravne posljedice, nikome nije dodjeljena niti jedna lokacija, a uzimajući u obzir da će se ubrzo steći preduslovi da ovo ministarstvo može proglasiti slobodne lokacije za osnivanje budućih apoteka, bez bilo kakvih pritisaka, ulaganja prigovora, žalbi i drugih postupaka, cijeneći potrebe kantona i lokalnih zajednica za apotekarskom djelatnošću.

Imajući u vidu naprijed navedeno odlučena je kao u dispozitivu ove Odluke.

Broj: 10-04-931-1/24  
Sarajevo, 15.05.2024. godine



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-104, Fax: + 387 (0) 33 562-243  
Web: <http://mz.ks.gov.ba>, E-mail: [mz@mz.ks.gov.ba](mailto:mz@mz.ks.gov.ba)